

dir mit aufgerackte hende alle tag däckē. Thut das
pette her tot vilünmugender herre.

Des todes wider red das. xxviii. capitel.
Loben an ende. Schendē an zil was sie fur vassen
pflēgē ertlich leut. Pei loben und pei schendē sol fug
und maß sein ob man ir eins bedurffe das sein stet
habe. Du lobst uber maßē elichs leben. ydoch woll
wir dir sagen vō elichē leben ungeruret aller reinen
frauē. Als pald ein man ein weip nympt als palde
ist er selbender in vnser gefencknus; zu hāt hat er ey
hantschlag. ein anhang. ein hātchlitē. ein ioch. ey
humat. ein purd. ein schwaren last. ein veygreufel. ein
teglithe rostfeilē der er mit recht mit enperu mag die
weil wir mit ym nicht thū vnser guad. Ein beweip-
ter man hat donec. schaur. fuchs. schlägē. Alle tag
begreut sie man zu werden zeucht er auff so zeucht sie
nider. wil er so. So wil sie lust. wil er do hin. so wil
sie durt hin. Solchs spils wirt er sat und siglos; al-
le tag. Trigē. listen. schmeichē. spynen. liebholzē. wi-
derpurrē. lachē. weinē. kã sie wol. In einē augēblick
an geporē ist es sie. Kräck zu erbeit. gelunt zu wol-
lust. Darzu zam und wild ist sie. wen sie des bedarff
omb weruort vündē bedarff sie keines rattuānes.
Gepoten ding nicht thun. verpotē ding thū fleisset
sie sich alle zeit. Das ist ir zu sulz. das ist ir zu saur.
Des ist ir zu vil. des ist ir zu wenig. Au ist es zu frue.
nu ist es zu spat. Also wirt es alles gestrafft. wirt d-
aū ichts vō ir gelobet. das muß mit schäden in einē